



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-333-5/22**
Datum: **12.09.2022. godine**

«Agencija za vodno područje rijeke Save» Sarajevo rješavajući po zahtjevu Investitora „PILANA NAM” d.o.o. Gornji Vakuf, u postupku izdavanja vodne dozvole za ispuštanje otpadnih i oborinskih voda sa lokacije i iz pogona za rezanje drvenih trupaca i proizvodnju drvene građe, izgrađene u poslovnoj zoni Batuški lug, općina Gornji Vakuf-Uskoplje, na osnovu člana 139. stav (1) Zakona o vodama («Službene novine Federacije BiH», broj 70/06) i člana 123. stav (2) Zakona o upravnom postupku («Službene novine Federacije BiH», broj 2/98, 48/99, 61/22), donosi

ZAKLJUČAK

1. Odbacuje se zahtjev Investitora „PILANA NAM” d.o.o. Gornji Vakuf za izdavanje vodne dozvole za ispuštanje otpadnih voda sa lokacije i iz pogona za rezanje drvenih trupaca i proizvodnju drvene građe, locirane u poslovnoj zoni Batuški lug, općina Gornji Vakuf-Uskoplje, na zemljištu označenom kao k.č. 1493/12, zk.ul.br.1, K.O. G.Vakuf, općina Gornji Vakuf-Uskoplje, s obzirom da za predmetnu aktivnost, u skladu s odredbama člana 139.stav (1) Zakona o vodama FBiH, nije propisana obaveza pribavljanja vodnih akata.
2. Ovaj Zaključak ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog objekta dođe do promjene tehnologije proizvodnje čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Investitor, „PILANA NAM” d.o.o. Gornji Vakuf, svojim zahtjevom, zatražio je izdavanje vodne dozvole za ispuštanje otpadnih voda sa lokacije i iz pogona za rezanje drvenih trupaca i proizvodnju drvene građe, izgrađene u poslovnoj zoni Batuški lug, općina Gornji Vakuf-Uskoplje, na zemljištu označenom kao k.č. 1493/12, zk.ul.br.1, K.O. G.Vakuf, općina Gornji Vakuf-Uskoplje. U provedenom postupku dostavljena je i pregledana sljedeća dokumentacija:

- Rješenje o upisu u sudski registar subjekta upisa br. 051-0-RegZ-21-001905 od 08.12.2021. godine, izdata od Općinskog suda u Travniku;
- Ovjerenu kopiju uvjerenja o poreznoj registraciji izdato od strane Kantonalnog poreznog ureda Novi Travnik od 22.07.2014. godine;
- Rješenje o odobrenju za obavljanje djelatnosti rezanja drveta br.03-18-2986/10 od 01.12.2011.god., izdano od Ministarstva gospodarstva KSB;
- Projektna dokumentacija izrađena od ovlaštenog poduzeća „ES-HYDROTECHNICS” d.o.o. Sarajevo;
- Glavni projekt izrađen od poduzeća „GRADING” d.o.o. Zenica iz 1997. godine;
- Vodna dozvola br.05-25-698/19 od 15.11.2019.god., izdana od Ministarstva poljoprivrede, vodoprivrede i šumarstva KSB;
- Suglasnost od JKP „ViK” d.o.o. Gornji Vakuf-Uskoplje br 50/15 od 21.09.2015. god. o ispuštanju otpadnih voda;

- Kopija uplatnice o plaćenju upravnoj pristojbi;
- Uplatnica po Zaključku o posebnim troškovima.

Postupajući po podnesenom zahtjevu, a u cilju utvrđivanja uvjeta za pokretanje upravnog postupka u ovoj upravnoj stvari, od strane stručnih osoba iz Agencije za vodno područje rijeke Save, uz nazočnost predstavnika podnosioca zahtjeva, dana 06.09.2021. izvršen je uviđaj na predmetnom lokalitetu, pri čemu je o utvrđenom činjeničnom stanju sačinjen Zapisnik br. UP-1/21-3-40-333-4/22 od 06.09.2022. godine.

Na temelju dokumentacije dostavljene uz zahtjevi i Zapisnika o uviđaju, utvrđeno je sljedeće:

Proizvodni proces rezanja i proizvodnje drvene građe je cca 1000-1200 m³/god. i vrši se u proizvodnom pogonu u poslovnoj zoni Batuški lugi bb, strojevima na električni pogon bez uporabe nafte i naftnih derivata i u samom proizvodnom procesu se ne upotrebljavaju vode a samim tim ne nastaju tehnološke otpadne vode kao rezultat tehnološkog postupka, kako je to utvrđeno odredbama Uredbe o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20), odnosno nema ispuštanja otpadnih voda u smislu odredbi člana 139. stav (1) točka 3. Zakona o vodama.

Nadalje je utvrđeno da nastali otpad, u procesu proizvodnje, ne uzrokuje bilo kakvo onečišćenje vanjskih manipulativnih površina jer se isti skuplja i koristi za daljnu prodaju za proces proizvodnje peleta. Na manipulativnim površinama koje se koriste za skladištenje sirovih, neobrađenih trupaca ne nastaju oborinske onečišćene vode, kako je to utvrđeno odredbama Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).

Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode, te iz naprijed navedenih razloga, a u skladu s odredbama člana 123. i 218. stav (2), a u vezi sa članom 14. Zakona o upravnom postupku te člana 3. stav (1) točka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije, riješeno je kao u dispozitivu ovoga Zaključka.


Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Marko Barić, dipl.ing.građ.

za Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- „PILANA NAM“ d.o.o. Gornji Vakuf, Batuški lug bb, Gornji Vakuf-Uskoplje.
- AVP Sava, ISV-vodna knjiga
- Sektor 50
- ⊙ Org.jed. 40 – arhiva
- Oglasna ploča AVP Sava